

met validiores suum munus absoluant, minusq; afflictam naturam fatigent.

*Facultates
remediorū
Chymicorū
validiores
esse, quàm
integrorū.*

Validiores autem esse facultates, nemo est qui in dubia vocare audeat. Patet hoc ex Hippocratis, Galeni, aliorumq; consensu, qui remedia, diuersis partibus donata, soluenda existimant, ut eò liberius vires suas exercent. Sed an non auctoritatem exsuperat ratio. Iam enim, cum de remedio imprimis dissimulari nobis sit sermo, luce meridiana clarius est, diuersarum partium diuersas vires, inuicem iunctas, mutuis operis intercipi & impediri: non aliter, quàm si arte compositum medicamentum minus præstet, quàm si foret simplex. Do quidem haud difficulter, quandoq; non minus naturale, quàm artificiale, ex contrarijs, vel saltem diuersis conflatum, vsui esse posse: sed quando altera qualitas sola requiritur, opportunius futurum est, si ea, recluso toto, producat, sepositis omnibus, quæ actionem eius, vel impedire, vel deprauare possent. Triticum nocet comestum: at si in partem aptetur, utilis fit cibus. Quid ergo accidit ipsi? Multa inquit Hippocrates. Ea enim, quibus

*De Veteri
Medicina.*